

№866 2015 წლის 22 აპრილი ქ. თბილისი

**სსიპ – საქართველოს მუნიციპალური განვითარების ფონდის მიერ  
განსახორციელებელი ღონისძიებების შესახებ**

1. სსიპ – საქართველოს მუნიციპალური განვითარების ფონდმა:

ა) „სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „დ“ ქვეპუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით, „სსიპ – საქართველოს მუნიციპალური განვითარების ფონდისთვის სახელმწიფო ტყის ფონდით სპეციალური დანიშნულებით სარგებლობის ვადის განსაზღვრის შესახებ“ საქართველოს მთავრობის 2014 წლის 26 დეკემბრის №2466 განკარგულების მე-2 პუნქტითა და „სსიპ – საქართველოს მუნიციპალური განვითარების ფონდისთვის სახელმწიფო ტყის ფონდით სპეციალური დანიშნულებით სარგებლობის ვადის განსაზღვრის შესახებ“ საქართველოს მთავრობის 2014 წლის 19 დეკემბრის №2371 განკარგულების მე-2 პუნქტით დადგენილი სახელმწიფო

ტყის ფონდით სპეციალური დანიშნულებით სარგებლობისთვის საკომპენსაციო ღონისძიებების განსახორციელებლად საჭირო სახელმწიფო შესყიდვა განახორციელოს გამარტივებული შესყიდვის საშუალებით;

ბ) ამ განკარგულების „ა“ ქვეპუნქტით გათვალისწინებული საკომპენსაციო ღონისძიებების ფარგლებში ტყის გაშენება-დარგვის სამუშაოების დაფინანსება უზრუნველყოს „საქართველოს 2015 წლის სახელმწიფო ბიუჯეტის შესახებ“ საქართველოს კანონის საფუძველზე, სსიპ – საქართველოს მუნიციპალური განვითარების ფონდისათვის დამტკიცებული „რეგიონალური განვითარების პროექტი II (იმერეთი) (WB)“ ქვეპროგრამით (პროგრამული კოდი: 25 03 06) გათვალისწინებული „საბიუჯეტო სახსრების“ ასიგნებებიდან.

2. საქართველოს ფინანსთა და საქართველოს რეგიონული განვითარებისა და ინფრასტრუქტურის სამინისტროებმა შესაბამისი წლების სახელმწიფო ბიუჯეტის პროექტების მომზადების დროს გაითვალისწინონ ამ განკარგულების „ა“ ქვეპუნქტით განსაზღვრული საკომპენსაციო ღონისძიებების ფარგლებში გაშენებული ტყის ნაკვეთების მოვლის სამუშაოების დაფინანსებისათვის შესაბამისი თანხები, სსიპ – საქართველოს მუნიციპალური განვითარების ფონდის წინადადებების საფუძველზე.

**პრემიერ-მინისტრი**

**ირაკლი ღარიბაშვილი**